

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**

**РЕСПУБЛИКА АҲОЛИСИНИ АХБОРОТ-КУТУБХОНА БИЛАН
ТАЪМИНЛАШНИ ТАШКИЛ ЭТИШ ТЎҒРИСИДА**

Замонавий талабларни ҳисобга олган ҳолда кутубхона тармоғини ташкил қилишни такомиллаштириш, ўсиб келаётган ёш авлоднинг интеллектуал эҳтиёжларини қондиришга, маданий, маънавий-ахлоқий кадриятларни сақлаб қолишга йўналтирилган принципиал янги ахборот марказларини барпо этиш, шунингдек аҳолини янада кенгроқ ва тизимли ахборот билан таъминлаш учун зарур шарт-шароитлар яратиш мақсадида:

1. Ўзбекистон Республикаси Маданият ва спорт ишлари вазирлиги, Олий ва ўрта махсус таълим вазирлиги, Халқ таълими вазирлиги, Алоқа, ахборотлаштириш ва телекоммуникация технологиялари давлат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг:

Ўзбекистон Республикаси Маданият ва спорт ишлари вазирлиги кутубхоналарини Олий ва ўрта махсус таълим вазирлиги, ОЎМТВнинг Ўрта махсус касб-ҳунар таълими маркази, Халқ таълими вазирлиги ихтиёрига ўтказиш йўли билан олий ва ўрта махсус таълим муассасалари ва умумтаълим мактаблари ҳузурида ахборот-ресурс марказларини тузиш;

Қорақалпоғистон Республикасининг Республика кутубхонаси, вилоятлар илмий-универсал кутубхоналари, шунингдек Тошкент шаҳар марказий кутубхонаси негизида идоравий жиҳатдан Алоқа, ахборотлаштириш ва телекоммуникация технологиялари давлат қўмитасига бўйсунувчи Қорақалпоғистон Республикаси, вилоятлар ва Тошкент шаҳар ахборот-кутубхона марказларини ташкил этиш тўғрисидаги таклифлари қабул қилинсин.

2. Қуйидагилар ахборот-ресурс марказларининг асосий вазифалари этиб белгилансин:

таълим муассасалари ўқувчилари ҳамда аҳолининг замонавий ахборот технологияларидан фойдаланган ҳолда мунтазам таълим олиши ва мустақил равишда таълим олишига қўмаклашиш;

миллий маънавий-ахлоқий кадриятларни кенг қўламда тарғиб қилиш, халқнинг маданий-тарихий меросидан баҳраманд бўлишни таъминлаш, маънавий бой ва уйғун камол топган шахснинг ижодий ўсиши учун имконият яратиб бериш;

янги ахборот технологиялари (маълумотлар электрон базалари, интернет ресурслари) асосида аҳолига ахборот хизмати кўрсатиш;

маданий, таълим, ахборот ҳамда бошқа дастур ва лойиҳаларни биргаликда амалга ошириш учун таълим муассасалари, маҳаллий ўзини ўзи бошқариш органлари, миллий маданият марказлари билан ҳамкорликни ривожлантириш.

3. Ахборот-кутубхона марказлари зиммасига:

аҳолига ахборот-кутубхона хизмати кўрсатишни сифат жиҳатидан янги даражага кўтариш, унинг илмий, таълим, ахборот ва маданият соҳасидаги қизиқишларини замонавий ахборот технологиялари асосида тезкорлик билан қондириш;

китобхонларга анъанавий кутубхона хизмати кўрсатишдан ўз ахборот ресурсларини яратиш ва жаҳон илмий-таълим ахборот ресурсларидан фойдаланиш имкониятини бериш йўли билан ахборот-кутубхона хизмати кўрсатишга ўтишни таъминлаш;

универсал ахборот ресурслари, миллий ва хорижий нашрлар (босма, аудиовизуал, электрон ва бошқа) фондларни шакллантириш, сақлаш ва фойдаланиш учун бериш;

йиғма электрон каталог ёрдамида ахборот ресурсларини бирлаштирувчи электрон кутубхоналар ва маълумот базаларини яратиш;

жойларда ахборотлаштириш ва кутубхоначилик иши соҳасидаги ахборот-ресурс марказлари фаолиятини мувофиқлаштириш ҳамда ташкилий-методик жиҳатдан таъминлаш вазифаси юклансин.

4. Қуйидагилар:

ахборот-ресурс тармоғи ва ахборот-кутубхона марказлари схемаси 1-иловага мувофиқ;

ахборот-ресурс ва ахборот-кутубхона марказларини яратиш топшириғи 2-иловага мувофиқ;

республика ахборот-кутубхона тизими фаолиятини мувофиқлаштириш бўйича Идоралараро кенгаш таркиби 3-иловага мувофиқ тасдиқлансин.

5. Республика ахборот-кутубхона тизими фаолиятини мувофиқлаштириш бўйича Идоралараро кенгаш:

бир ой муддатда белгиланган тартибда кутубхоналарни, 4-иловага мувофиқ, Ўзбекистон Республикаси Маданият ва спорт ишлари вазирлиги тизимидан Олий ва ўрта махсус таълим вазирлиги, ОЎМТВнинг Ўрта махсус касб-ҳунар таълими маркази, Халқ таълими вазирлиги ҳамда Ўзбекистон Алоқа ва ахборотлаштириш агентлиги ихтиёрига бепул ўтказишни ҳамда улар оқилона қайта ташкил этилишини;

икки ой муддатда барча кутубхона фондларини замонавий талабларни ҳисобга олган ҳолда қайта рўйхатдан ўтказиш учун эксперт комиссиялари тузилишини;

икки ой муддатда ахборот-кутубхона ва ахборот-ресурс марказлари ишини белгилаб берувчи тегишли норматив ҳужжатлар ишлаб чиқилишини;

ахборот-кутубхона ва ахборот-ресурс марказлари танлов асосида малакали кадрлар билан тўлдирилишини;

ахборот-кутубхона ва ахборот-ресурс марказлари юксак самара билан фаолият кўрсатишини ҳамда аҳолининг барча қатламлари улардан бемалол фойдалана олишларини таъминласин.

Вазирлар Маҳкамаси бир ой муддатда Идоралараро кенгаш тўғрисидаги низомни ишлаб чиқсин ва тасдиқласин.

Амалга оширилган ишларнинг яқунлари тўғрисида 2006 йилнинг 1 декабригача Ўзбекистон Республикаси Президенти девонига маълумот берилсин.

6. Белгилансинки, ахборот-кутубхона ва ахборот-ресурс марказлари фаолиятини молиялаштириш давлат бюджети маблағлари ва ҳомийларнинг маблағлари ҳисобидан амалга оширилади.

Ўзбекистон Республикаси Молия вазирлиги Иқтисодиёт вазирлиги билан биргаликда 2007 йилнинг январидан бошлаб ахборот-кутубхона ва ахборот-ресурс марказларида электрон кутубхоналарни ташкил қилган ҳамда илғор ахборот технологияларини тадбиқ этган ҳолда ушбу марказларни компьютерлаштириш учун зарур маблағлар ажратилишини назарда тутсин.

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ахборот-ресурс марказларининг моддий-техника базасини мустаҳкамлашга кўмаклашишни таъминласин.

7. Алоқа, ахборотлаштириш ва телекоммуникация технологиялари давлат қўмитаси зиммасига:

ахборот-кутубхона марказларини белгиланган тартибда «ZiyoNET» ахборот тармоғига босқичма-босқич улаш ва уларнинг ресурсларига аҳоли кенг қатламларининг киришини таъминлаш;

электрон кутубхоналар тизимини ривожлантириш, кутубхона ахборот ресурсларини тизимлаштириш вазифаси юклансин.

8. 2006-2007 ўқув йилидан бошлаб Тошкент давлат маданият институти ва Тошкент ахборот технологиялари университетида «ахборотлаштириш ва кутубхонашунослик» таълим йўналиши бўйича бакалаврият кадрлари ҳамда магистратура

тегишли мутахассисликлари бўйича кадрлар тайёрлаш назарда тутилганлиги маълумот учун қабул қилинсин.

Ўзбекистон Республикаси Олий ва ўрта махсус таълим вазирлиги, Маданият ва спорт ишлари вазирлиги ҳамда Алоқа, ахборотлаштириш ва телекоммуникация технологиялари давлат қўмитаси:

бир ой муддатда ахборот-кутубхона ва ахборот-ресурс марказлари кадрларини қайта тайёрлаш ҳамда малакасини оширишга нисбатан қўйиладиган талабларни ишлаб чиқсин ва тасдиқласин;

электрон дарсликлар ва кутубхоналар, мультимедиа тизимлари ва дастурлари яратилишини таъминласин.

9. Ўзбекистон Республикаси Адлия вазирлиги тегишли вазирликлар ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин.

10. Мазкур қарорнинг ижросини назорат қилиш Ўзбекистон Республикаси Бош вазири Ш.М. Мирзиёев зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2006 йил 20 июнь,
ПҚ-381-сон

Ахборот-ресурс ва ахборот-кутубхона марказлари тармоғи схемаси



Ахборот-ресурс ва ахборот-кутубхона марказларининг умумий сони — 1187

Приложение № 2

к постановлению Президента Республики Узбекистан
от 20 июня 2006 г № ПП 381

Задание

По созданию информационно-ресурсных и информационно-библиотечных центров в 2006 году
(единиц)

№ п/п	Территории	Всего	В том числе				
			Информационно-библиотечные центры	Информационно-ресурсные центры			
				Высшие учебные заведения	Академические лицеи	Профессиональные колледжи	Школы
1.	Республика Каракалпакистан	101	1	5	6	72	16
2.	Андижанская область	108	1	5	7	76	18
3.	Бухарская область	68	1	3	4	46	13
4.	Джизакская область	56	1	2	2	37	13
5.	Кашкадарьинская область	92	1	3	4	69	14
6.	Навоийская область	47	1	3	3	29	10
7.	Наманганская область	92	1	3	4	71	12
8.	Самаркандская область	112	1	7	7	80	16
9.	Сырдарьинская область	47	1	1	2	31	11
10.	Сурхандарьинская область	85	1	1	2	65	15
11.	Ташкентская область	106	1	3	4	76	21
12.	Ферганская область	115	1	5	5	84	10
13.	Хорезмская область	79	1	3	3	60	20
14.	г. Ташкент	79	1	0	5	60	12
	Итого	1187	14	44	58	856	201

Состав
Межведомственного совета по координации деятельности
информационно-библиотечной системы республики

- | | | | |
|-----|------------------|---|--|
| 1. | Мирзиёев Ш.М. | — | Премьер-министр Республики Узбекистан, председатель Межведомственного совета |
| 2. | Касымов Р.С. | — | заместитель Премьер-министра Республики Узбекистан – министр высшего и среднего специального образования, заместитель председателя Межведомственного совета |
| 3. | Арипов А.Н. | — | заместитель Премьер-министра Республики Узбекистан – генеральный директор Узбекского агентства связи и информатизации, заместитель председателя Межведомственного совета |
| 4. | Азизходжаев А.А. | — | министр по делам культуры и спорта |
| 5. | Джураев Т.И. | — | министр народного образования |
| 6. | Ашрафхонов Б.Б. | — | первый заместитель министра финансов |
| 7. | Каримов А.А. | — | первый заместитель министра высшего и среднего специального образования - директор центра ССПО |
| 8. | Джураев У.П. | — | первый заместитель председателя Агентства печати и информации |
| 9. | Избасаров А.Ф. | — | первый заместитель генерального директора Узбекского агентства связи и информатизации |
| 10. | Гулямов С.С. | — | вице-президент Академии наук |
| 11. | Аъзамов К.А. | — | председатель центра «Маънавият ва маърифат» |
| 12. | Хасанов А. | — | начальник управления Министерства экономики |
| 13. | Ахмедов А.А. | — | главный редактор ИПАК «Шарк» |
| 14. | Зиёев М.Н. | — | начальник управления Госкомимущества |
| 15. | Умаров А.А. | — | директор Национальной библиотеки Узбекистана, ответственный секретарь совета |

Примечания:

1. Заместитель председателя Совета Министров Республики Каракалпакстан, заместители хокимов областей по экономическим и социальным вопросам являются членами Межведомственного совета.

2. При переходе члена Межведомственного совета на другую работу назначенное на его место должностное лицо становится членом совета.

Сеть библиотек
Министерства по делам культуры и спорта, передаваемых в 2006 году
На баланс других министерств и ведомств

№ п/п	Территории	Всего действующих библиотек в структуре Министерства по делам культуры и спорта	Передается на баланс				Сохраняется на балансе Министерства по делам культуры и спорта (библиотеки для слепых)
			Узбекского агентства связи и информатизации	Министерства народного образования	Министерства высшего и среднего профессионального образования	Центра среднего специального профессионального образования	
1.	Республика Каракалпакстан	435	1	46	23	364	1
2.	Андижанская область	486	1	69	24	391	1
3.	Бухарская область	450	1	27	24	397	1
4.	Джизакская область	266	1	20	12	232	1
5.	Кашкадарьинская область	466	1	42	17	405	1
6.	Навийская область	254	1	14	20	218	1
7.	Наманганская область	413	1	29	15	367	1
8.	Самаркандская область	745	1	39	52	652	1
9.	Сырдарьинская область	199	1	19	5	173	1
10.	Сурхандарьинская область	414	1	20	6	386	1
11.	Ташкентская область	502	1	34	17	449	1
12.	Ферганская область	594	1	47	29	516	1
13.	Хорезмская область	416	1	28	18	368	1
14.	г. Ташкент	108	1	41	0	65	1
	Итого	5748	14	475	262	4989	14